

全上古三代秦漢三國六朝文

全後漢文卷八十一

烏程嚴可均校輯

陸康

康字季寧吳郡吳人少仕州郡靈帝初舉茂才除高成令光和
初遷武陵太守歷桂陽樂安二郡太守已言事微詣廷尉免召
拜議郎出爲廬江太守獻帝初加忠義將軍爲袁術將孫策所
攻拒守二年城陷病卒年七十

上疏諫鑄銅人

臣聞先王治世貴在愛民省徭輕賦已寧天下除煩就約已崇簡
易故萬姓從化靈物應德末世衰主窮奢極侈造作無端興制非
一勞割自下已從苟欲故黎民吁嗟陰陽感動陛下聖德承天當
隆盛化而卒被詔書畝斂田錢鑄作銅人伏讀惆悵悼心失圖夫
十一而稅周謂之徹徹者通也言其法度可通萬世而行也故魯

宣稅畝而蠲災自生哀公增賦而孔子非之豈有聚奪民物已營無用之銅人捐捨聖戒自蹈亡王之法哉傳曰君舉必書書而不法後世何述焉陛下宜留神省察改敝從善已塞兆民怨恨之望

後漢陸康傳

尚書令器

器等七人皆在靈帝初其姓莫可考梅鼎祚云劉器字重寧長沙人歷太僕司空

上言請條列立宋皇后禮儀

尚書令臣囂僕射臣鼎尚書臣旭臣乘臣滂臣謨臣詣稽首言伏惟陛下履乾則坤動合陰陽羣臣大小咸已長秋宮未定遵舊依典章表仍聞歷時乃聽令月吉日已宋貴人爲皇后應期正位羣生兆庶莫不式舞易稱受茲介祉詩云千祿百福子孫千億萬方幸甚今吉日已定臣請太傅太尉司徒司空太常條列禮儀正處

上羣臣妾無得上壽如故事臣愚臣鼎臣旭臣乘臣滂臣謨臣詣
愚聞不達大義誠惶誠恐頓首死罪稽首再拜已聞續漢禮儀志中注補引蔡

質所記立
宋皇后儀

謝弼
弼字輔宣東郡武陽人靈帝初舉有道對策除郎中已言事出
爲廣陵府丞去官歸爲宦黨所陷死獄中

上封事陳得失

臣聞和氣應于有德妖異生乎失政上天告譴則王者思其愆政
道或虧則姦臣當其罰夫蛇者陰氣所生鱗者甲兵之符也鴻範
傳曰厥極弱時則有蛇龍之孽又熒惑守亢褒回不去法有近臣
謀亂發于左右不知陛下所與從容帷幄之內親信者爲誰宜急
斥黜已消天戒臣又聞惟虺惟蛇女子之祥伏惟皇太后定策宮
闈援立聖明書云父子兄弟罪不相及竇氏之誅豈宜咎延太后

除黨

幽隔空宮，愁感天心。如有霧露之疾，陛下當何面目？已見天下背周襄王，不能敬事其母。戎狄遂至交侵，孝和皇帝不絕竇后之恩。前世已爲美談，禮爲人後者爲之子。今已桓帝爲父，豈得不已？太后爲母哉？援神契曰：天子行孝，四夷和平。方今邊境日蹙，兵革蜂起，自非孝道，何已濟之？願陛下仰慕有虞蒸蒸之化，俯思凱風慰母之念。臣又聞爵賞之設，必酬庸勲，開國承家，小人勿用。今功臣久外，未蒙爵秩。阿母寵私，乃享大封。大風雨雹，亦由于茲。又故太傅陳蕃輔相陛下，勤身王室，夙夜匪懈，而見陷羣邪，一旦誅滅，其爲酷濫，駭動天下。門生故吏，並離徙貳，身已往，人百何贖？宜還其家屬，解除禁網。夫台宰重器，國命所繼。今之四公，唯司空劉寵斷首善，除皆素餐致寇之人，必有折足覆餗之凶，可因災異，並皆罷黜。徵故司空王暢，長樂少府李膺，並居政事，庶災變可消。國祚惟永，臣山薮頑闇，未達國典，策曰：無有所隱，敢不盡愚，用忘諱。

忌伏惟陛下裁其誅罰

後漢謝弼傳又略見袁宏後漢紀二十三語次不同

何進

進字遂高南陽宛人靈思何皇后之兄家本屠者徵拜郎中再遷虎賁中郎將出爲潁川太守光和中徵拜侍中將作大匠河南尹中平初爲大將軍封愷侯少帝卽位與太傅袁隗輔政錄尙書事已謀誅宦官事泄遇害于嘉德殿

薦董扶表

資游夏之德述孔氏之風內懷焦董消復之術方今并涼騷擾西戎蠢叛宜敕公車特詔待已異禮諮謀奇策

蜀志劉焉傳注引益部耆舊傳

請釋王允疏

夫內視反聽則忠臣竭誠寬賢矜能則義士厲節是已孝文納馮唐之說晉悼宥魏絳之罪允已特選受命誅逆撫順曾未朞月州境澄清方欲列其庸勲請加爵賞而已奉事不當當肆大戮責輕

罰重有虧眾望臣等備位宰相不敢寢默誠已允宜蒙三槐之聽
呂昭忠貞之心後漢王允傳

奏遷董后

孝仁皇后使故中常侍夏惲永樂太僕封謂等交通州郡辜較在
所珍寶貨賂悉入西省蕃后故事不得留京師輿服有章膳羞有
品請永樂后遷宮本國後漢董后紀

仇靖

靖字漢德武都下辨人爲郡從史

析里橋郿閣頌

惟斯析里處漢之右谿源漂疾橫柱于道涉秋霖漉盆溢滔湔濤
波湧沛激揚絕道漢水道讓稽滯商旅路當二州經用符沮沮縣
士民或給州府休謁往還恆失日晷行理咨嗟郡縣所苦斯谿既
然郿閣尤甚緣崖鑿后處隱定柱臨瀾長淵三百餘丈接木相連

號為萬姓。過者慄慄。載乘為下。常車迎布。歲數千兩。遭遇墮納人。

物俱隨沈。沒洪淵。酷烈為禍。自古迄今。莫不創楚。于是太守漢陽。

阿陽李君諱翁字伯都。己建寧三年三月辛巳魏釋作二月審視碑本足三字三月

乙卯朔辛巳到官。思惟惠利。有己綏濟。問此為難。其日久矣。嘉念

高帝之開石門。元功不朽。乃俾衡官掾下辨仇審。改解危殆。即便

求隱析里大橋。于今乃造。校致攻堅。口口工巧。雖昔魯班。亦莫擬

象。又醪散闕之嶄潔。從朝陽之平燥。減西口口高閣。就安寧之石

道。禹導江河。已靖四海。經記厥績。艾康萬里。臣口口勒石示後。

乃作頌曰。

口口口降茲惠君。克明俊德。允武允文。躬儉尚約。化流若神。愛

氓如子。口口平均。精通皓穹。三納符銀。所厥垂勳。香風有鄰。仍致

瑞應。豐稔口口口口樂。行人夷欣。慕君靡已。乃詠新詩。

口口口口兮。兌之閒。高山崔隄兮。水流蕩蕩。地既培塿兮。與寇

爲鄰口口口口口口口口析分或失緒業兮至于困貧危危累卵兮
聖朝閔憐耗艾究口兮幼口口口口口口口救傾兮全育子遺劬勞日
稷兮惟惠勤勤黃邵朱龔兮蓋不口口口口口口充贏兮百姓歡欣僉
曰太平兮文翁復存

建寧五年四月十八日癸丁時衡官口口口仇審字孔信從

史位下辨仇靖字漢德爲此頌故吏下辨仇靖字子長書此

時石師南口口口威明碑拓本隸釋四案拓本及隸

西狹頌全非本對校之此四字可據補也西狹頌云從史位下鑄
仇靖字漢德義釋所載頌末少一百四十三字非全本又案天

下碑錄云折里橋郝閭頌仇子良書
名緯今亦據呂補缺皆劣注呂別之

龜池五瑞畫像

白鹿 黃龍 甘露降 承露 嘉禾 木連理

君昔在黽池。修峻欽之道。德治精通。致黃龍白鹿之瑞。故圖畫其

像碑拓本隸釋四家
此刻于赫閣類之前

盧植

愼涿郡涿人爲尙書

見元和姓纂

盧公範

凡八月旦上承露盤赤松子柏上露爲囊曰膏面皮古人用點象
枝曰梨子爲之反銀盞中者朱砂銀枝子也

本在盧公範者盧植家之法也御覽二十一

凡臘日上藻豆帑頭膏面脂口脂

御覽三十三

盧植

植字子幹涿郡涿人建寧中徵博士熹平中拜九江太守病去
尋拜廬江太守徵爲議郎遷尙書中平初拜北中郎將擊黃巾
有功爲小黃門左豐所誣檻車徵事白復爲尙書董卓廢立已
抗議免歸隱上谷袁紹據冀州請爲軍師初平三年卒有禮記
解詁二十卷集二卷

始立太學石經上書

臣少從通儒故南郡太守馬融受古學。頗知今之禮記。特多同允。臣前已周禮諸經。發起舛謬。敢率愚淺。爲之解詁。而家乏無力。供繕寫上。願得將能書生二人。共詣東觀。就官財糧。專心研精。合尚書章句。考禮記失得。庶裁定聖典。刊正碑文。古文科斗。近于爲實。而厭抑流俗。降在小學。中興已來。通儒達士。班固賈逵鄭興父子。並敦悅之。今毛詩左氏周禮各有傳記。其與春秋共相表裏。宜置博士爲立學官。已助後來。已廣聖意。後漢盧植傳

日食上封事

臣聞五行傳曰。晦而月見。謂之朏。王侯其舒。此謂君政舒緩。故曰食晦也。春秋傳曰。天子避位。移時。言其相掩。不過移時。而間者日食。自己過午。既食之後。雲霧晻曖。比年地震。彗孛互見。臣聞漢已火德。化當寬明。近色信讒。忌之甚者。如火畏水故也。案今年之變。

皆陽失陰侵消禦災凶宜有其道謹略陳八事一曰用良二曰原禁三日禦癘四曰備寇五日修禮六曰遵堯七日御下八曰散利用良者宜使州郡覈舉賢良隨方委用責求選舉原禁者凡諸黨錮多非其罪可加赦恕申宥同枉禦癘者宋后家屬竝已無辜委骸橫尸不得收葬疫癘之來皆由于此宜敕收拾已安遊魂備寇者侯王之家賦稅減削愁窮思亂必致非常宜使給足已防未然修禮者應徵有道之人若鄭玄之徒陳明洪範禋服災咎遵堯者今郡守刺史二月數遷宜依黜陟已章能否縱不九載可滿三歲御下者請謁希爵一宜禁塞遷舉之事責成主者散利者天子之體理無私積宜弘大務蠲略細微後漢盧植傳又續漢五行志六注引續漢本傳植上書丙子蝕自巳過午云云今此少丙子二字

奏事

王后無子擇立長親年均已德德均決之已卜筮所已承先祖也

初學記十 案後漢本傳
獻書規竇武亦有此小異

后妃者所已郊天祭地祇奉祖宗外已肅恭明神內已帥正九嬪
理陰德者猶天之有地陽之有陰 初學記十

丘明之傳本末春秋博物盡變囊括古今苞裹人事 善鈔原本九十五
獻書規竇武

植聞發有不恤緯之事漆室有倚楹之戚憂深思遠君子之情夫
士立爭友義貴切磋書陳謀及庶人詩詠詢于芻蕘植誦先王之
書久矣敢愛其誓言哉今足下之于漢朝猶旦奭之在周室建立
聖主四海有繫論者已爲吾子之功于斯爲重天下聚目而視攢
耳而聽謂準之前事將有景風之祚尋春秋之義王后無嗣擇立
親長年均已德德均則決之下筮今同宗相後披圖案牒已次建
之何勳之有豈橫叨天功已爲己力乎宜辭大賞已全身名又比
世祚不競仍外求嗣可謂危矣而四方未寧盜賊伺隙恆岳勃碣

特多姦盜將有楚人曾比尹氏立朝之變宜依古禮置諸子之官
徵王侯愛子宗室賢才外崇訓道之義內息貪利之心簡其良能
隨用爵之彊韜弱枝之道也

後漢盧植傳

酈文勝誄

九 自配末成童著書十餘箱文體思奧爛有文章箴縷百家

書鈔原本九十九

孫堅

堅字文臺吳郡富春人建寧末府召暑假尉熹平中歷鹽瀆盱
眙下邳丞中平初中郎將朱儁討黃巾請為佐軍司馬已功拜
別部司馬尋為張溫司空參軍遷議郎拜長沙太守已功封烏
程侯義兵起袁術表假中郎將又表行破虜將軍領豫州刺史
初平三年為術擊劉表戰死權稱尊號追諡曰武烈皇帝廟號
始祖

案孫策造吳當編入三國文孫堅當列前代梁宣帝父統隋文帝父忠從此例

到長沙敕吏

謹遇良善治官曹文書必循治已盜賊付太守

吳志孫堅傳注引魏書

夏育

育熹平中為北地太守遷護烏桓校尉

上言討鮮卑

鮮卑仍犯塞

後漢作罷邊蔡邕集作仍犯諸郡

百姓怨苦自春已來三十餘發請

徵幽州諸郡兵出塞討之一冬二春必能禽滅

袁宏後漢紀二十四後漢烏桓傳蔡

邕集通典一百九十六

請收張讓表

張讓等怙慢天常擅操王命父子兄弟並據州郡一書出門高獲

千金下數百萬膏腴美田皆屬讓等使變氣上蒸妖賊蜂起

後漢卓

傳注引

典略

馮光

光熹平中爲五官郎中

上言厯元不宜用庚申

厯元不正故妖民叛寇益州盜賊相續爲厯用甲寅爲元而用庚申圖緯無已庚爲元者近秦所用代周之元太史治歷郎中郭香劉固意造妄說乞與本庚申元經緯有明受虛欺重誅

續漢律厯志中熹平

四年五官郎中馬光沛相上計除陳屍言

陳耽一作就耽

耽字漢公東海人熹平中爲太常代段熲爲太尉免復爲太常代楊賜爲司空光和初免復爲太常代楊賜爲司徒

平議馮恂宗誠厯術

侍中韓說博士蔡較穀城門候劉洪右郎中陳調于太常府覆校注說平議難問恂誠各對恂術已五千六百四十日

案日當有九作月

百六十一食爲法而除成分空加縣法推建武已來俱得三百二

十七食其十五食錯案其官素注天見食九十八與兩術相應其錯辟二千一百誠術百三十五月二十三食爲法乘除成月從建康呂上減四十一建康呂來減三十五呂其俱不食恂術改易舊法誠術中復減損論其長短無呂相驗各引書緯自證文無義要取追天而已夫日月之術日循黃道月從九道呂赤道儀曰冬至去極俱一百一十五度其入宿也赤道在斗二十一而黃道在斗十九兩儀相參日月之行曲直有差呂生進退故月行并牛十四度呂上其在角婁十二度呂上皆不應率不行呂是言之則術不差不改不驗不用天道精微度數難定術法多端厯紀非一未驗無呂知其是未差無呂知其失失然後改之是然後用之此謂允執其中今誠術未有差錯之謬恂術未有獨中之異呂無驗改未失是呂檢將來爲是者也誠術百三十五月二十三食其文在書籍學者所修施行已久官守其業經緯日月厚而未愆信于天

文述而不作，恂久在候部，詳心善意，能揆儀度，定立術數，推前校往，亦與見食相應，然協祿正紀，欽若昊天，宜率舊章，如甲辰丙申詔書，已見食爲比，今而施用誠術，棄放恂術，史官課之後，有效驗，乃行其法，已審術數，已順改易。續漢律厯志：中光和三、四年太常就書可。案廣韻：就，又姓。引後漢書：范滂、氏改爲就。氏所稱後漢書必非范書。今考後漢書：滂、氏改爲就。氏所稱後漢書就，就續漢志之就。就，兩存之。侯攷。

曹鸞

鸞，熹平中爲永昌太守，上書訟黨人，檻車徵棄市，年九十。

上書訟黨人

夫黨人者，或者年淵德，或衣冠英賢，皆宜股肱王室，左右大猷者也，而久被禁錮，辱在泥塗，謀反大逆，尙蒙赦宥，黨人何罪，獨不開恕乎？所已災異，屢見水旱薦臻，皆由于斯，宜加沛然，已副天心。袁宏

後漢紀二十四
熹平五年

卑整

卑又作畢

整雁門人建寧中爲太傅掾遷議郎

上疏言冲帝母質帝母宜賜爵

孝冲皇帝母虞大家質帝母陳夫人皆誕育聖明而未有諡號今當呂母氏序列于外戚雖在薨歿猶宜爵贈況二母見存而無寵勞者乎即違母呂子貴之義又不可呂示後世

袁宏後漢紀二十四又別見後漢虞

美人傳編入宦官趙祐文

陳雅

雅字伯臺成固人靈帝時爲諫大夫上疏不納出爲巴郡太守

上疏論宦官

昔孝和帝與中常侍鄭眾謀誅大將軍竇憲由是宦官秉權安帝幼冲和熹太后兄大將軍鄧騭輔政太后適崩中常侍江京等殺騭安帝登遐黃門孫程又殺車騎將軍閭顯孝桓帝又與中常侍

單超等共誅大將軍梁冀陛下卽降太傅陳蕃大將軍竇武尙書
令尹勳等欲誅宦官絕其奸擅盡忠王室建萬世策機事不密爲
中常侍朱瑀等所殺此卽陛下所見今宦官强盛威傾人主天下
鉗口莫敢言者海內怨望妖孽竝作四方兵起萬姓辛苦陛下尙
可已安奈後嗣何

華陽國志十
下漢中士女

傳變

變字幼起改字南容北地靈州人靈帝時再舉孝廉後爲護軍
司馬從皇甫嵩討黃巾有功不封遷安定都尉已疾免復拜議
郎出爲漢陽太守中平四年戰沒諡壯節侯

上疏請誅中官

臣聞天下之禍不由于外皆興于內是故虞舜升朝先除四凶然
後用十六相明惡人不去則善人無由進也今張角起于趙魏黃
巾亂于六州此皆舉發蕭牆而禍延四海者臣受戎任奉辭伐罪

始到潁川戰無不剋黃巾雖盛不足爲廟堂憂也臣之所懼在于治水不自其源末流彌增其廣耳陛下仁德寬容多所不忍故關賢弄權忠臣不進誠使張角梟夷黃巾變服臣之所憂甫益深耳何者夫邪正之人不宜共國亦猶冰炭不可同器彼知正人之功顯而危亡之兆見皆將巧辭飾說共長虛僞夫孝子疑于屢至市虎成于三夫若不詳察真僞忠臣將復有杜郵之戮矣陛下宜思虞舜四罪之舉速行讒佞放殛之誅則善人思進姦凶自息臣聞忠臣之事君猶孝子之事父也子之事父焉得不盡其情使臣身被鈇鉞之戮陛下少用其言國之福也

後漢傳變傳又見袁宏後漢紀二十四有小異

議棄涼州對

昔冒頓至逆也樊噲爲上將云願得十萬眾橫行匈奴中憤激奮勵未失臣節也不顧計之當與不當耳季布猶廷斥曰噲可斬前朝星之今涼州天下之衝要國家之蕃衛也堯舜時禹貢載之殷

周之世列爲侯伯高祖平海內使酈商別定隴右世宗拓境列置四郡議者已爲斷匈奴之右臂今牧御者失理使一州叛逆海內爲之騷動陛下臥不安寢烈爲宰相不念爲國思所已緝之之策乃欲割棄一方萬里之土臣竊惑之若使左衽之虜得居此地爲害數世今已勁士堅甲利兵姦雄因之爲亂此天下之至慮社稷之深憂也且無涼州則三輔危三輔危則京師薄矣若烈不知憂之是極蔽也知而欲棄是不忠也二者擇而處之烈必有之袁宏後漢紀二十五邊章韓約寇三輔司徒崔烈欲棄涼州議郎傅燮進曰斬司徒徙天下乃安有詔問本意燮對又見後漢傳燮傳有刪節

諫耿鄙

使君統政日淺人未知教孔子曰不教人戰是謂棄之今率不習之人越大隴之阻將十舉十危而賊聞大軍將至必萬人一心邊兵多勇其鋒難當而新合之眾上下未和萬一內變雖悔無及不若息軍養德明賞必罰賊得寬挺必謂我怯羣惡爭勢其離可必

然後率已教之人討已離之賊其功可坐而待也今不為萬全之福而就必危之禍竊為使君不取

後漢傳變傳變為漢陽太守中平四年刺史耿种率六郡兵討

金城賊王國韓遂等變知部失眾必敗諫

傳幹

幹字彥林

魏志武紀注引九州春秋作彥材

小字別成變子官扶風太守終丞

相倉曹屬

肉刑議

蓋禮樂所已導民刑罰所已威之是故君子忌禮而小人畏刑雖湯武之隆成康之盛不專用禮樂亦陳肉刑之法而康哉之歌興清廟之頌作由此推之肉刑之法不當除也經有墨劓剕割之制至于鑿顛抽脅烹煑之刑衛鞅所述為非咎陶所造呂侯所述據經按傳肉刑不當除有五驗請言其理荀卿論之備矣太古質簡制事樸畧故耒耜未用于牛而弧矢不加筋鐵智所聞也不識事

宜曰爲聖人純一之教不如賢者支離之術鄭衛可曰易咸池激楚可曰陵詔武耶斯不足復難矣

藝文類聚五十四

與張叔威書

吾與足下義結綆素恩比同生

初學記十八又御覽四百十作執素疑是執素之誤

諫曹公南征

治天下之大具有二文與武也用武則先威用文則先德威德足曰相濟而後王道備矣往者天下大亂上下失序明公用武懷之十平其九今未承王命者吳與蜀也吳有長江之險蜀有崇山之阻難曰威服易曰德懷愚曰爲可且按甲寢兵息軍養士分土定封論功行賞若此則內外之心固有功者勸而天下知制矣然後漸興學校曰導其善性而畏其義節公神武震于四海若修文曰濟之則普天之下無思不服矣今舉十萬之眾頓之長江之濱若賊負固深藏則士馬不能逞其能奇變無所用其權則大威有屈

而敵心未能服矣。唯明公思虞舜舞干戚之義，全威養德，已道制

勝。魏志武帝紀建安十九年公征孫權注引九州春秋參軍傅幹諫公不聽軍遂無功

王命敘

昔在唐虞之禪，列于帝典。殷周之代，敘于詩書。天之厯數，昭焉著明。周篤后稷，公劉積德，行仁至乎文武，遂成王業。雖五德殊運，或禪或征，其變化應天，與時消息，其道一也。故雖有威力，非天命不授。雖有運命，非功烈不章。我高祖襲唐之統，受命龍興，討秦滅項，光有萬國。世祖攘亂，奄復帝宇。人鬼協謀，徵祥煥然，皆順乎天而應乎人也。然則帝王之起，必有天命，瑞應自然之符，明統顯祚，豐懿之業，加已茂德，成功賢智之助。而後君臨兆民，爲神民所保佑，永世所尊崇，未見運敘無紀次，勳澤不加于民，而可力爭覬覦神器者也。豪傑見二祖無尺地之階，爲專智力乘豐而起，不知天祚聖哲，帝王自有真也。哀哉！非徒闔于將來，又不考之于既往矣。自

開闢已來茲雄安動不識天命勇不足畏強不足憚未有成資而敢失順視不軌之事也哉夫行潦之流不致江海之深丘垤之資不成太山之高魚鼈之類不希雲龍之軌一官之守不經天人之變當王莽之末英雄四起而鄧禹耿弇識世祖之福祚竊糧開行進其策謀遂荷胥附之任享佐命之寵張玄慕蘇秦蒯通之業周旋囂述西說竇融言未及終而梁統已誅之矣禹弇見命祚之兆其福如彼張玄蔽逆順之理其禍如此審斯二事趣舍之分明矣且世祖之興有四一曰帝皇之正統二曰形相多異表三曰體文而知武四曰履信而好士加之呂聰明獨斷達于事機發策如神應視遠如見近偏旅首進推莽軍百萬之眾單師獨征平河北萬里之功識鄧隆之將敗知劉興之必死然猶乾乾日昃博采訓咨拔吳漢于小尹擢馬武于行伍寵功臣呂兼國之爵顯卓茂呂非次之位言語政事文學之士咸盡其材致之宰相權勇畢力于征

伐摯紳悉心于左右。此其所已成大業也。高祖方娠有雲龍之表。其始入秦。五星同軌。已旅于東井。在天之符也。世祖之徵符。其詳可聞也。其初育。則靈光鑒于室。隤嘉禾滋于邑。壤其望舊廬。有火光之異。其渡呼施。有河合之應。西門君惠光識其諱。強華獻符。千里同驗。劉歆改名。而隕其身。王祥錯卦。而見吉兆。故王遵謂之天授。非人力也。覽廢興之運會。觀徵瑞之攸祚。審天應之萌兆。察人物之所附。念功成而道退。無非次而妄據。後之人誠能昭然遠覽。曠然深悟。收莽述之闇惑。忠鄧耿之弘慮。好謀而要成。臨事而知懼。距張玄之邪說。思在三之明數。則福祿衍于無窮。奕世不失其通路矣。

藝文類聚十

皇后箴

煌煌四星。著天垂曜。赫赫后妃。是則是效。舜納二女。對揚茂教。正位于內。頑嚚輟暴。辛亂殛已。共則情悅。牝雞亂晨。殷祀用絕。孝成

寬柔縱弛紀綱王擅朝權趙專椒房巨猾是緣竊弄神器故禍不出所憎常出所愛是已
在昔明后日新其化匪唯訓外亦訓于內
載文類聚十五

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷八十一終

全後漢文卷八十一

傅幹

十四

全後漢文卷八十一終

全後漢文卷八十二

烏程嚴可均校輯

張升

升字彥真陳畱尉氏人御史大夫湯八世孫仕郡為綱紀守外黃令遇黨錮誅有集二卷

白鳩賦

并序

陳畱郡有白鳩出于郡界太守命門下賊曹吏張升作白鳩賦曰厥名臯鳩貌甚雍容丹青綠目耳象重重御覽九百二十一

與任彥堅書

纏綿恩好庶蹈高蹤

文選潘岳西征賦注寡婦賦注陸機贈馬文熊詩注又弔魏武帝文注恩作惠蹈作蹤

今將老弱處于窮澤漸漬汀瀛當何聊賴

文選七命注

友論

一作反論一作反論語皆誤

噓枯則冬榮吹生則夏落

文選魏都賦注劉峻絕交論注

黃綺引身巖棲南岳

文選稽康與山濤絕交書注

酈炎

炎字文勝范陽人靈帝時州郡辟命皆不就後風病妻始產而驚死妻家訟之收繫獄死年二十八有集二卷

對事

客問酈炎曰吳王曷不傳子而傳兄弟四人傳者將已致國乎季札季札不受雖有僚立闔閭之弑春秋猶已不受爲義不殺爲仁而桓譚已吳之篡弑滅亡數由季札札不思上放周公之攝位而下慕曹臧之謙讓名已細矣春秋之趣豈謂爾乎炎曰夫四王之輕命致國乎季子謂其能流慶百世也季子不受內有篡殺之亂外致滅亡之禍雖知潔已之可爲不惟宗廟之絕祀其痛矣問曰周制諸侯父死子繼若札從先私志受非所繼是浮行豈節義之謂與闔閭之欲國蓋緣札之雅意故曰季子雖至不吾廢也今如

吾子之云則君子何稱乎。炎曰：先知季子仁而無權，故肆意焉。季子不能討，是則春秋所譏。仁而不武，無能達也。子之云公羊也。公羊不曰父命辭王父命，曰王父命辭父命，不曰家事辭國政，曰國政辭家事。衛輒拒父，猶謂之可。況曰國治篡弑之子乎？祭仲行權，公羊嘉之云：君可曰死易生，國可曰存易亡。季子不然，猶可善乎？此蓋公羊之失，非義之通者也。周公誅二叔，不爲不仁。宋穆受兄國，不爲不義。君子急病而讓夷，故踐明堂，朝諸侯，非榮其位爲時之急也。曰季子之才，君國子民，行化四方，與夫句踐相去幾何？若令向時見國危亂，慕周公急時之義，思先君致國之意，攝政持統，邁其威德，奚翅遷都瑯琊，尙征上國，朝齊宋鄭魯衛，執玉之君哉？孔子稱可與立道，未可與權權反經而善，聖之達節者也。季子守節之士，故非其量度乎？問者因又謂炎曰：古者聖人封建諸侯，皆云百里，取象于雷。雷何取也？炎曰：易震爲雷，亦爲諸侯。雷震驚百

里曰何呂知之炎曰呂其數知之夫陽動爲九其數卅六陰靜爲八其數卅二震一陽動二陰靜御覽作從故曰百里聞者稱善古文苑又略見

十三

遺令書四首

維熹平六年冬十二月乃裂裳書白巖考之神坐炎荷天之罪呂致于死名歿身弊神而有知炎之歸覲在旦夕之閒耳若其無知將何面目少見靈魂哉其自卽安其自愛臣去矣亂矣永滅亡矣白老母無懷憂懷憂何爲無增悲增悲何施寒必厚衣無炎誰爲母厚衣暑必輕服無炎誰爲母輕服棄炎無念此常厚衣不尤不怨此常輕服矣聖人達于死生賢者力而慕之炎之中心私有所慕每讀漢書楊王孫裸葬班固曰爲賢于秦始皇意常壯之然裸呂見先人若炎不爲也其布巾取覆頭布衣用蔽形具棺取容身鑿地取容棺若獲罪于眾耶后櫬速朽蠲其罪哉堅固不加喪葬

濱先君之兆域必于瘠确之處而已呼甘陵夫人共居也

白輿讓考喪早葬立讓之等元昆勉之曰老母相累不可使老母無曹也加供養謝嫂曰老母相託若死者復知必使其言不愧嗟哉邈之遺孤其名曰止戈汝長白爲之監咨爾止戈汝未有所識吾謂汝有所識其先見汝耳汝未有所聞吾猶謂汝耳有所聞而告汝人之喪也非父則母非昆則弟非姊則妹人之孤也齷齪其少矣汝之孤也曾未滿兩旬汝無自己爲微弱物有微弱于汝者乃其長而繁焉后稷棄之寒冰隘巷矣汝比之猶逸焉於菟之在虎乳極矣汝比之猶易焉乃終不在乃始在在懼惟生無懼管蔡之逸厥終乃不逸之易厥終不易言咨嗟止戈汝能言則讚之顧言汝能行則履我之所訓剛焉柔焉弱焉強焉學焉愚焉仕焉隱焉懼汝身之柔可不厲汝曰剛乎懼汝之剛可不厲曰柔乎懼汝之弱可曰訓汝之強懼汝之愚曰不助汝曰學懼汝之隱可不

敕汝已仕乎消息汝躬調和汝體思乃考言念迺考訓必博學已
著書已續受父母久業我十七而作酈篇二十四而州書矣二十
七而作七平矣其賦誦諫自少爲之苟吾戒汝尅從祭爲甘苟示
誠汝尅違梁奠爲苦汝無逸于仁無湎于酒無安于忍事君莫如
忠事親莫如孝朋友莫如信修身莫如禮汝哉其勉之下邳衛府
君我之諸曹掾督郵濟北監府君我繇之成就陳留韓府君察我
孝廉陳留楊君辟我右北平從事祭酒今我溺于地下思恩則孤
而靡報汝有可已倒戟背戈無孤之矣陳留蔡伯喈與我初不相
見吾仰之猶父不敢已爲兄彼必愛已爲弟九江廬府君吾父事
之張公褒張子傳幼業王延壽王子衍我之朋友也鮮于中優吾
先姑之所出也若不足屬汝苟足往而朝覲之汝不敏往從之學
焉汝苟往取任焉咨爾止戈吾蔑復有言焉其永覽于此

古文苑

黃翻

翻靈帝時遼西太守

上言流屍事

海邊有流屍露冠絰服感翻夢曰我伯夷弟孤竹君也求見掩藏吏民有嗤者皆死

博物志

諒輔

輔字漢儒廣漢新都人爲郡五官掾

禱山川辭

輔爲郡股肱不進諫納忠薦賢退惡和調陰陽至令天下否隔萬物焦枯百姓喁喁無所告訴咎盡在輔太守內省責己自曝中庭使輔謝罪爲民祈福曰無效令敢白誓至日中雨不降請以身塞無狀

搜神記

張文

文熹平中爲郎中

蝗蟲疏

春秋義曰蝗者貪擾之氣所生天意若曰貪狠之人蠶食百姓若蝗食禾稼而擾萬民獸鬪人者象暴政若獸而鬪人京房易傳曰小人不義而反尊容則虎食人辟歷殺人曰象暴政妄有喜怒政已賄成刑放于寵推類敘意探指求源皆象羣下貪狠成教妄施或若蝗蟲宜敕正眾邪請審選舉退屏貪暴魯僖公小國諸侯敕政修己斥退邪臣尙獲其報六月甚雨之應豈況萬乘之主修善求賢宜舉敦樸已輔善政陛下參堯舜之聖秉獨見之明恢太平之業教經好學流布遠近可留須臾與神慮則可致太平招休徵矣

後漢蔡邕傳注
引漢名臣奏

胡母班

班字季皮太山人少與度尙張邈王考劉儒秦周藉嚮王章爲八廚熹平末拜侍御史初平元年已執金吾奉使河內爲王匡

所收繫獄死。

與王匡書

自古已來，未有下士諸侯舉兵向京師者。案劉向傳曰：「獬廌忌器，器猶忌之。」況卓今處宮闕之內，已天子爲藩屏，幼主在宮，如何可討？僕與太傅馬公、太僕趙岐、少府陰修俱受詔命，關東諸郡雖實嫉卓，猶已銜奉王命，不敢玷辱，而足下獨囚僕于獄，欲已景鼓，此悖暴無道之甚者也。僕與董卓有何親戚？義豈同惡，而足下張狼虎之口，吐長蛇之毒，恚卓遷怒，何甚酷哉！死者人之所難，然恥爲狂夫所害，若亡者有靈，當訴足下于皇天。夫婚姻者，禍福之機，今日著矣，曩爲一體，今爲血讐。亡人子二人，則君之甥，身沒之後，慎勿令臨僕尸骸也。

魏志袁紹傳注引謝承後漢書又見後漢袁紹傳有則節亡人子二人作亡人二女

劉岱

岱字公山，東萊牟平人。齊悼惠王之後，舉茂才。光和中，初爲侍御。

史董卓人洛陽，召侍中出爲兗州刺史。初平初，舉兵討卓，屯酸棗，尋擊黃巾戰死。

與劉子惠書

董卓無道，天下所共攻死，在旦暮，不足爲憂。但卓死之後，當復同師討文節，擁彊兵，何凶逆！寧可得置？

後漢袁紹傳注引英雄記案劉子惠爲韓馥冀州治中

被字文節何者負也

劉焉

焉字君郎，江夏竟陵人。魯恭王之後，少仕州郡。昭宗室拜中郎，後舉賢良方正，辟司徒府，歷雒陽令、冀州刺史、南陽太守。宗正太常出爲監軍使者，領益州牧。

薦任安表

安味清道度，厲節高邈，揆其器量，國之元寶，宜處弼疑之輔。已消非常之咎，立纁之禮，所宜招命。

蜀志宗室傳注引益部耆舊傳

遣張魯據漢中上書

米賊斷道不得復通

蜀志劉焉傳焉遣張魯為督義司馬在漢中斷截谷關殺害漢使焉上書

建議選牧伯

刺史太守貨賂為官割剝百姓已致離叛可選清名重臣已為牧

伯鎮安方夏

蜀志劉焉傳焉親靈帝政治衰缺王室多故乃建議言

劉璋

璋字季玉焉第三子獻帝遷長安已為奉車都尉奉使諭蜀留

不遣興平元年襲焉位為監軍使者振武將軍領益州牧建安

十九年降于劉備遷公安孫權克荊州已為益州牧駐秭歸

下張魯解福教

夫靈仙養命猶節松霞而厚身嗜味奚能尚道

弘明集八引釋玄光辨惑論張子魯

漢中解福大集祭酒及諸鬼卒酣進過常劉璋教

劉表

表字景升山陽高平人魯恭王之後與張儉等號八俊辟大將軍何進掾初平元年拜荊州刺史尋加鎮南將軍封成武侯建安十三年疽發背卒有周易章句五卷案表有遺袁譚袁尚二書乃王粲作今編入王

集

進諫王暘

夫奢不僭上儉不逼下循道行禮貴處可否之間遠伯玉恥獨為君子府君不希孔聖之明訓而慕夷齊之末操無乃皎然自遺于

世乎

後漢王暘傳又見魏志劉表傳注引謝承書

後定喪服

案表與基母聞宋忠等撰五經章句謂之後定此即其一

既除喪有來弔者已縞冠深衣于墓受之畢事反吉

通典八十三

君來弔臣主人待君到脫頭經貫左臂去杖出門迎門外再拜乃

獻還先入門東壁向君讓君于前聽進即堂先哭乃止于廬外伏

哭當先君止君起致辭于對而不言稽顙已答之

通典八十三

母爲長子齊縗三年始死不徒跣拊心哭泣女子已嫁而反在室父卒爲母與母爲長子同齊縗杖周者父在爲母不徒跣哭踊無數凡四不食爲曾祖父母不敢已輕服服至尊減其具則當大功九月但三月耳始死哭泣三日爲舊君之母妻爲曾祖父母同通典

父亡則祖後則不得爲祖母三年已爲婦人之服不可踰夫孫爲祖服周父亡之後爲祖母不得踰祖也通典八十九

樊毅

毅字仲德河南人辟公府除防東長中都令遷弘農太守

上言復舉山下民租田口筭狀

光和二年十二月庚午朔十三日壬午弘農太守臣毅頓首死罪上尙書臣毅頓首頓首死罪謹案文書臣已去元年十一月到官其十二月奉祠西嶽舉山省視廟舍及齋衣祭器率皆久遠

有垢故魯不脩大室春秋作譏臣曰神嶽至尊宜加恭肅輒遣行事荀斑與舉陰令先讞已漸繕治成就之後仍雨甘雪滋潤宿麥惠滋黎庶臣卽日已詔書齋祠雪未消澤時日清和神歡民喜誠聖朝勞神日昃廣被四表覆毓之德神人被施遐邇大小莫不幸甚臣穀頓首頓首死罪死罪讞又書言縣當孔道加奉尊嶽一歲四祠養牲百日常當充肥用穀橐三千餘斛或有請雨齋禱役費兼倍每被詔書調發無差山高聽下恐近廟小民不堪役賦有飢寒之寤違宗神之教乞差諸賦復舉下十里已內民租田口筭已寵神靈廣祈多福隆中興之祚臣輒聽行盡力奉宣詔書思惟惠利增異復上臣穀誠惶誠恐頓首頓首死罪死罪上尙書掾臣條屬臣淮書佐臣謀弘農太守上祠西嶽乞縣賦發差復舉下十里已內民租田口筭狀

隸釋二

趙壹

壹字元叔漢陽西縣人光初舉郡上計十辟公府並不就
集二卷

迅風賦

惟巽卦之爲體吐神氣而成風纖微無所不入廣大無所不充經
營八荒之外宛轉豪毛之中察本莫見其始揆末莫覩其終啾啾
颼颼吟嘯相求阿那徘徊聲若歌謳搏之不可得繫之不可畱

類聚

解擯賦

丹鴻可殺

御覽九百五十一

刺世疾邪賦

伊五帝之不同禮三王亦又不同樂數極自然變化非是故相反
較德政不能救世溷亂賞罰豈足懲時清濁春秋時禍敗之始戰
國愈增其荼毒秦漢無已相踰越乃更加其怨酷寔計生民之命

爲利己而自足于茲迄今情僞萬方佞諂日熾剛克消亡舐痔結
駟正色徒行嫗嫗名勢撫拍豪強偃蹇反俗立致咎殃捷懼逐物
日富月昌渾然同惑孰溫孰涼邪夫顯進直士幽藏原斯瘼之攸
興實執政之匪賢女謁掩其視聽兮近習秉其威權所好則鑽皮
出其毛羽所惡則洗垢求其癰疽雖欲竭誠而盡忠路絕嶮而靡
緣九重既不可啟又羣吠之狺狺安危亡于旦夕肆嗜慾于目前
奚異涉海之失施坐積薪而待燃榮納由于閃榆孰知辨其蚩妍
故法禁屈撓于勢族恩澤不逮于單門寧飢寒于堯舜之荒歲兮
不飽暖于當今之豐年乘理雖死而非亡違義雖生而匪存有秦
客者乃爲詩曰河清不可俟人命不可延順風激靡草富貴者稱
賢文籍雖滿腹不如一囊錢伊優北堂上抗髀倚門邊魯生聞此
辭繫而作歌曰勢家多所宜咳唾自成珠被褐懷金玉蘭蕙化爲
芻賢者雖獨悟所困在羣愚且各守爾分勿復空馳驅哀哉復哀

哉此是命矣夫

後漢趙壹傳北堂書鈔一百三十八細覽六百九十三七百六十七七百七十一

窮鳥賦

附贈友人

昔原大夫贈桑下絕氣傳稱其仁奈越人還紬太子結脈世著其神設曩之二人不遭仁遇神則結絕之氣竭矣然而脯脯出乎車輪鍼石運乎手爪今所賴者非直車輪之脯脯手爪之鍼石也乃收之于斗極還之于司命使乾皮復含血枯骨復被肉允所謂遭仁遇神真所宜傳而著之余畏禁不敢班班顯言竊爲窮鳥賦一篇其辭曰

有一窮鳥戢翼原野罩網加上機穽在下前見鷖隼後見驅者繳彈張右羿子殼左飛丸激矢交集于我思飛不得欲鳴不可舉頭畏觸搖足恐墮內獨怖急乍冰乍火幸賴大賢我矜我憐昔濟我南今振我西鳥也雖頑猶識密恩內已書心外用告天天乎祐賢歸賢永年且公且侯子子孫孫

後漢趙壹傳又見後漢文選卷九十一細覽三百五十一又四百八十六

報羊陟書

惟君明啟平斯宿心

文選謝靈運
富春渚詩注

報皇甫規書

君學成師範縉紳歸慕仰高希驥歷年滋多旋輟兼道渴于言侍
沐浴晨興昧旦守門實望仁兄昭其懸遲已貴下賤握髮垂接高
可敷翫墳典起發聖意下則抗論當世消弭時災豈悟君子自生
怠倦失怵怵善誘之德同亡國驕情之志蓋見幾而作不俟終日
是已夙退自引畏使君勞昔人或歷說而不遇或思士而無從皆
歸之于天不尤于物今壹自譴而已豈敢有猜仁君忽一匹夫于
德何損而遠辱手筆道路相尋誠足愧也壹之區區曷云量已其
嗟可去謝也可食誠則頑薄實識其趣但關節疾動膝灸壞漬請
俟它日乃奉其情輒誦來貺永已自慰

後漢趙
壹傳

非草書

余郡士有梁孔達、姜孟穎者，皆當世之彥哲也。然慕張生之草書，過于希顏、孔馬。孔達寫書，目示孟穎，皆口誦其文，手櫝其篇，無怠倦焉。于是後生之徒，競慕二賢，守令作篇，人撰一卷，目爲祕玩。余懼其背經而趨俗，此非所已。弘道興世也，又想羅趙之所見，詣沮，故爲說草書本末，已慰羅趙。息梁姜焉。竊覽有道張君所與朱使君書，稱正氣可已消除邪，人無其微，妖不自作，誠可謂信道抱真，知命樂天者也。若夫褒杜崔，沮羅趙，听听有自臧之意者，無乃近于矜伎，賤彼貴我哉？夫草書之興也，其于近古乎？上非天象所垂，下非河洛所吐，中非聖人所造，蓋秦之末，刑峻網密，官書煩冗，戰攻竝作，軍書交馳，羽檄分飛，故爲隸草，趣急速耳。示簡易之旨，非聖人之業也。但貴刪難省煩，損複爲單，務取易爲易知，非常儀也。故其讚曰：臨事從宜，而今之學草書者，不思其簡易之旨，目爲杜崔之法，龜蛇所見也。其撥扶柱桎，詰屈友乙，不可失也。訛齒已上。

苟任涉學皆廢倉頡史籀競已杜崔爲楷私書相與猶謂就書適迫遽故不及草草本易而述今反已難而遲失指多矣凡人各殊氣血異筋骨心有疏密手有巧拙書之好醜在心與手可強爲哉若人顏有美惡豈可學有相若耶昔西施心癡捧匱而顰眾愚效之祇增其醜趙女善舞行步媚態學者弗獲失節匍匐夫杜崔張子皆有超俗絕世之才博學餘暇遊手于斯後世慕焉專用爲務鑽堅仰高忘其罷勞夕惕不息仄不暇食十日一筆月數九墨領袖如皂唇齒常黑雖處眾坐不遑談戲展指畫地曰草創壁臂穿皮刮指爪摧折見觥出血猶不休輟然其爲字無益于工拙亦如效顰者之增醜學步者之失節也且草書之人蓋技藝之細耳鄉邑不曰此較能朝廷不曰此科吏博士不曰此講試四科不曰此求備徵聘不問此意考績不課此字徒善字既不達于政而拙草亦無損于治推斯言之豈不細哉夫務內者必闕外志小者必忽

大俯而捫蝨不暇見天地天地至大而不見者方銳精于機蝨乃不暇焉第已此篇研思銳精豈若用之于彼七經稽厯協律推步期程探賾鉤深幽贊神明覽天地之心推聖人之情析疑論之中理俗儒之諍依正道于邪說濟雅樂于鄭聲興至德之和睦弘大倫之立清窮可已守身遺名達可已尊主致平已茲命世永監後生不亦淵乎

法書要錄一墨池編御覽六百一七百四十九

張溫

溫字伯慎南陽穰人光和中爲大司農中平初拜司空遷車騎將軍進太尉封立鄉侯免尋爲司隸校尉遷衛尉初平二年爲董卓所殺

諫徵朱儁疏

昔秦用白起燕任樂毅皆曠年歷載乃能克敵儁討潁川已有功效引師南指方略已設臨軍易將兵家所忌宜假日月責其成功

後漢朱儁傳有司奏欲徵儁司空張溫上疏
又袁宏後漢紀二十四作張溫議與此小異

程苞

苞一作包字元道南鄭人光和二二年漢中上計吏

征討板楯蠻方略對

光和二二年

板楯七姓已射殺白虎立功先漢本爲義民復除徭役但出資錢
口歲四十其人勇敢能戰昔永初中羌數入漢川郡縣破壞不絕
若線後得板楯救之羌死敗殆盡故號爲神兵羌人畏忌傳語種
輩勿復南行至建和二二年羌復入漢牧守遑遑復賴板楯連摧破
之若微板楯則蜀漢之民爲左衽矣前車騎將軍馮緄南征武陵
雖受丹陽精兵之銳亦倚板楯已成其功近益州之亂朱龜已并
涼勁卒討之無功太守李暉亦已板楯討而平之忠功如此本無
惡心長吏鄉亭更賦至重僕役過于奴婢筆楚隆于囚虜至乃嫁
妻賣子或自剄割雖陳冤州郡而牧守不爲通理去闕庭遙遠不

能自聞含怨呼天，叩心窮谷，愁苦于賦役，困羅于酷刑，故邑落相
聚，已至叛戾，非有深謀，至計，僭號，已圖不軌。今但選明能牧守，益
其資穀，安便賞募，從其利，陳自然安集，不煩征伐也。昔中郎將尹
就伐羌，擾動益部，百姓諺曰：「虜來尚可，尹將殺我。」就徵還後，羌自
破退，如臣愚見，權之遣軍，不如任之州郡。華陽國志又見後漢南蠻傳

和海

海光，光和初，上祿長。

上言黨錮

禮從祖兄弟別居，異財，恩義已輕，服屬疏末，而今黨人錮及五族，
既乖典訓之文，有謬經常之法。後漢黨錮傳序光和二年

張均

均一作鈞，中山人。光和中，爲中郎將，中平初，爲郎中，已忤宦官，
死獄中。

因虎見上言

虎見憲陵又見平樂觀下隸皆訛言也洪範之論言之不從則有毛蟲之孽虎者西方之獸爲禽剛猛彊梁之物也居而穴處不可覩見今于先帝園陵爲害又言見于城下皆在位者仁恩不著有苛刻殺戮之意乎此乃大兵劇賊之徵不可不防也

袁宏後漢紀二十四光和中

張均上言

上言請斬十常侍

竊惟張角所已能興兵作亂萬民所已樂附之者其源皆由十常侍多放父兄子弟昏親賓客典據州郡辜摧財利侵掠百姓百姓之冤無所告訴因起從角學道謀議不軌相聚爲盜賊今宜悉斬十常侍懸其頭于南郊已謝百姓又遣使者布告天下可不須師旅而大寇自消

袁宏後漢紀二十四中平元年中郎將張均上書求四句作已謝天下即兵自消同一戰而克也又

後漢張讓傳作郎中中山張鈞上書均鈞可異者微止是一人

許永

永光和中爲司隸校尉中平末爲羽林左監

上書

武庫禁兵所在國司之禁爲災深矣

初學二十四引謝承後漢書光和中武庫屋自壞司隸許

永上書云云御覽一百九十一引作許詠

對詔問夢祥

宋皇后親與陛下共承宗廟母臨萬國歷年已久海内蒙化過惡

無聞而虛聽讒妬之說已致無辜之罪身嬰極誅禍及家族天下

臣妾咸爲怨痛勃海王悝桓帝母弟也處國奉藩未嘗有過陛下

曾不證審遂伏其辜昔晉侯失刑亦夢大厲被髮屬地天道明察

鬼神難誣宜并改葬已安冤魂反宋后之徙家復勃海之先封已

消厥咎

後漢靈帝宋皇后紀

王芬

芬中平初爲冀州刺史與許攸襄楷等謀廢立不果懼事露自殺

謀作難詭上靈帝書

黑山賊攻劫郡縣求得起兵

魏志武帝紀注引九州春秋

賜進士出身二品銜廣東等處提刑按察使司按察使兼管驛傳事務萬岡王毓藻校刊

全後漢文卷八十二終

全後漢文卷八十三

孔融

烏程嚴

中華書局上海
編輯部藏書

融字文舉孔子二十世孫靈帝時辟司徒楊賜府中平初舉高
第爲侍御史病免辟司空掾拜中軍侯遷虎賁中郎將獻帝初
曰忤董卓左轉議郎出爲北海相劉備表爲青州刺史建安元
年爲袁譚所攻城陷出奔徵爲將作大匠遷少府曰忤曹操免
復爲太中大夫與劉楨王粲陳琳阮瑀徐幹應瑒爲建安七子
有春秋雜議難五卷集十卷

上書薦謝該

臣聞高祖創業韓彭之將征討暴亂陸賈叔孫通進說詩書光武
中興吳耿佐命范升衛宏修述舊業故能文武并用成長久之計
陛下聖德欽明同符二祖勞謙屢運三年乃讜今尙父鷹揚方叔

翰飛王師電驚羣凶破殄始有繫弓臥鼓之次宜得名儒典綜禮紀竊見故公車司馬令謝該體會史之淑性兼商偃之文學博通羣執周覽古今物來有應事至不惑清白異行敦悅道訓求之遠近少有儔匹若乃巨骨出吳雉集陳庭黃熊入寢亥有二首非夫洽聞者莫識其端也雋不疑定北闕之前夏侯勝辨常陰之驗然後朝士益重儒術今該實卓然比跡前列閉曰父母老疾棄官欲歸道路險塞無由自致猥使良才抱璞而逃踰越山河沈淪荆楚所謂往而不反者也後曰當更饋樂曰鈞由余尅像曰求傳說豈不煩哉臣愚已爲可推錄所在召該令還楚人止孫卿之去國漢朝追匡衡于平原尊儒貴學惜失賢也

後漢謝該傳

上書請準古王畿制

臣聞先王分九圻已遠及近春秋內諸夏而外夷狄詩云封畿千里惟民所止故曰天子之居必已眾大言之周室既衰六國力征

授賂割裂諸夏鑄京之制商邑之度歷載彌久遂已間昧秦兼天下政不遵蕤華劉五等掃滅侯甸築城萬里濱海立門欲已六合爲一區互服爲一家關衛不嬰遂使陳項作難家庭臨海擊析不救聖漢因循未之匡改猶依古法潁川南陽陳畱上黨三海近郡不封爵諸侯臣愚已爲千里國內可畧從周官六鄉六遂之文分比北郡皆合屬司隸校尉已正王賦已崇帝室役自近已寬遠繇華貢獻外薄四海揆文奮武各有典書

上書云云

上書

先帝褒厚老臣懼其殞越是故扶接助其氣力三公刺腋近爲憂之非警戒也云備大臣非其煩也

御覽三百六十卷九引東觀漢記

上三府所辟稱故吏事

三府所辟州郡所辟其不謁署不得稱故吏臣惟古典春秋女在

其國稱女、在途稱婦、然則在途之臣、應與爲比、穀梁傳曰、天子之
宰、通于四海、三公之吏、不得曰未至爲差、狐突曰、策名委質、貳乃
辟也、奉命承教、策名也、昔公孫嬰齊卒于狸蜃、時未入國、魯公曰、
大夫之禮加焉、傳曰、吾固許之、返爲大夫、延陵季子解劍帶徐君
之墓、曰、明心許之信、況受三公之招、修拜辱之辭、有資父事君之
志邪、臣愚、曰、禮宜從重、三公所召、雖未就職、便爲故吏、通典六十八

薦禰衡疏

臣聞洪水橫流、帝思俾乂、旁求四方、已招賢俊、昔孝武繼統、將弘
祖業、疇咨熙載、羣士響臻、陛下敷聖纂承基緒、遭遇厄運、勞謙日
昃、惟岳降神、異人竝出、竊見處士平原禰衡、年二十四、字正平、淑
質貞亮、英才卓犖、初涉藝文、升堂觀奧、目所一見、輒誦于口、耳所
暫聞、不忘于心、性與道合、思若有神、弘羊潛計、安世默識、已衡準
之、誠不足怪、忠果正直、志懷霜雪、見善若驚、疾惡如讐、任座抗行、

史魚厲節殆無已過也。鸞鳥累百，不如一鶚，使衡立朝，必有可觀。飛辯騁辭，溢氣盈涌，解疑釋結，臨敵有餘。昔賈誼求試屬國，詭係單于，終軍欲已長纓，牽致勁越，弱冠慷慨，前世美之。近日路粹、嚴象亦用異术，擢拜臺郎，衡宜與爲比。如得龍躍天衢，振聲雲漢，揚聲紫微，垂光虹蜺，足已昭近署之多士，增四門之穆穆。鈞天廣樂，必有奇麗之觀。帝室皇居，必蓄非常之寶。若衡等輩，不可多得。激楚揚阿，至妙之容，臺牧者之所貪。飛兔騶襲，絕足奔放，良樂之所急。臣等區區，敢不已聞。陛下篤慎取士，必須效試，乞令衡已褐衣召見，必無可觀采。臣等受面欺之罪。後漢綱衡傳又魏志荀彧傳注引綱衡傳文選又載文類聚五

崇國防疏

竊聞領荊州牧劉表桀逆放恣，所爲不軌，至乃郊祭天地，擬儀社稷，雖昏僭惡極，罪不容誅。至于國體，宜且諱之。何者？萬乘至重，天

王至尊、身爲聖躬、國爲神器、陛級縣遠、祿位限絕、猶天之不可階、日月之不可踰也、每有一豎臣、輒去圖之、若形之四方、非所已杜、塞邪萌、愚謂雖有重戾、必宜隱忍、賈誼所謂擲鼠忌器、蓋謂此也、是已齊兵次楚、唯責包茅、王師敗績、不書晉人、前露衰術之罪、今復下剽表之事、是使跋牂欲闖高岸、天險可得而登也、案表跋扈、擅誅列侯、過絕詔命、斷盜貢篚、招呼元惡、已自營衛、專爲羣逆主、萃淵薮、郤鼎在廟、章孰甚焉、桑落瓦解、其勢可見、臣愚已爲宜隱、郊祀之事、已崇國防、後漢孔融傳

馬曰、碑不宜加禮議、

曰、碑已上公之尊、秉髦節之使、御命直指、監輯東夏、而曲媚姦臣、爲所牽率、章表署用、輒使首名、附下罔上、姦已事君、昔國佐當晉軍而不撓、宜僚臨白刃而正色、王室大臣、豈得已見脅爲辭、又袁術僭逆、非一朝一夕、日碑隨從、周旋歷歲、漢律與罪人交關三日、

已上皆應知情春秋魯叔孫得臣卒曰不發揚襄仲之罪貶不書
曰鄭人討幽公之亂斲子家之棺聖上哀矜舊臣未忍追案不宜
加禮後漢孔融傳又見袁宏後漢紀三十九

肉刑議

古者敦龐善否區別吏端刑清政簡一無過失百姓有罪皆自取
之末世陵遲風化壞亂政撓其俗法害其教故日上失其道民散
久矣而欲繩之曰古刑投之曰殘棄非所謂與時消息者也紂斲
朝涉之脛天下謂爲無道夫九牧之地千八百君若各刑一人是
天下常有千八百紂也求俗休和弗可得也且被刑之人慮不念
生志在思死類多趨惡莫復歸正風沙亂齊伊戾禍宋趙高英布
爲世大患不能止人遂爲非也適足絕人還爲善耳雖忠如鬻權
信如卞和智如孫臏冤如巷伯才如史遷達如子政一離刀鋸沒
世不齒是太甲之思庸穆公之霸秦南睢之骨立衛武之初筵陳

湯之都賴魏尚之守邊無所復施也漢開改惡之路凡爲此也故明德之君遠度深惟棄短就長不苟革其政者也

後漢孔融傳又見御覽六百四

十九引續漢書又袁宏後漢紀三十晉書刑法志藝文類聚五十四通典一百六十八

南陽王馮東海王祇祭禮對

聖恩敦睦感時增思悼二王之靈發哀愍之詔稽度前典已正禮制竊觀故事前梁懷王臨江愍王齊哀王臨淮懷王竝薨無後同產昆弟卽景武昭明四帝是也未聞前朝修立祭祀若臨時所施則不列傳紀臣愚已爲諸在冲胤聖慈哀悼禮同成人加已號諡者宜稱上恩祭祀禮畢而後絕之至于歲之限不合禮意又違先帝已然之法所未敢處

後漢孔融傳

告高密相立鄭公鄉教

昔齊置士鄉越有君子軍皆異賢之意也鄭君好學實懷明德昔太史公廷尉吳公謁者僕射鄧公皆漢之名臣又南山四皓有園

公夏黃公潛光隱耀世加其高皆悉稱公然則公者仁德之正號
不必三事大夫也今鄭君鄉宜曰鄭公鄉昔東海于公僅有一節
猶或戒鄉修其門閭矧乃鄭公之德而無駟壯之路可廣開門衢
令容高車號為通德門後漢鄭玄傳又御覽一百五十七引鄭玄別傳

鄭公增門之崇令容高車結駟之路

出麥五斛已酬執事者之勞

御覽八百三十八引孔融教高密侯國箋言

繕治鄭公宅教

鄭公久游南夏今艱難稍平儻有歸來之思無寓人于我室毀傷
其藩垣林木必繕治牆宇已俟還

教高密令

志士鄧子然告困焉得愛金庾之間已惕烈士之心與豆三斛後

乏復言

御覽八百四十一

告昌安縣教

邑人高幼自言辟得井中鼎夫鼎久潛于井德之休明雖小重也黃耳金鉉利貞之象國遭凶荒彝器出或者明已饗人

初學記七

答王修舉孝廉讓郗原敎

初平中

原之賢也吾已知之矣昔高陽氏有才子八人堯不能用舜實舉之原可謂不患無位之士已遺後賢不亦可乎

魏志王修傳注引融集

重答王修

初平中

掾清身絜己歷試諸難謀而鮮過惠訓不倦余嘉乃勲應乃懿德用升爾于王庭其可辭乎

魏志王修傳注引融集

喻郗原舉有道書

修性保貞清虛守高危邦不人久潛樂土王室多難西遷鎬京聖朝勞謙疇咨僞乂我徂求定策命懇惻國之將隕釐不恤緯家之將亡緹縈跋涉彼匹婦也猶執此義實望根矩仁爲己任授手援溺振民于難乃或晏晏居息莫我肯顧謂之君子固如此乎根矩

根矩可已來矣

魏志陳郡傳注引原別傳

遣問郗原書

隨曾在秦、賈季在翟，諸仰靡所歎息，增懷頃知來至，近在三山，詩不云乎，來歸自鎬，我行永久，今遣五官掾奉問，榜人舟楫之勞，禍福動靜，告慰亂階，未已，阻兵之雄，若其奔爭，梟

魏志陳郡傳注引原別傳

與王朗書

世路隔塞，情問斷絕，感懷增思，前見章表，知尋湯武罪己之迹，自投東裔，同鯀之罰，覽省未周，涕隕潛然，主上寬仁，貴德宥過，曹公輔政，思賢竝立，策書屢下，殷勤款至，知權舟浮海，息駕廣陵，不意黃能突出，羽淵也，談笑有期，勉行自愛

魏志王朗傳注

遺張紘書

聞大軍西征，足下畱鎮，不有居者，誰守社稷，深固折衝，亦大勳也，無乃李廣之氣，倉髮益怒，樂一當單于，已盡餘憤乎，南北竝定，世

將無事孫叔投戈絳灌俎豆亦在今日但用離析無緣會面爲愁
歎耳道直途清相見豈復難哉吳志張紘傳注引吳書

又遺張紘書

前勞手筆多篆書每舉篇見字欣然獨笑如復觀其人也吳志張紘傳注

引吳書

答虞仲翔書

示所著易傳自商瞿已來舛錯多矣去聖彌遠眾說騁辭曩聞延陵之理樂今觀吾君之治易乃知東南之美者非但會稽之竹箭焉又觀象雲物察應寒溫原其禍福與神會契可謂探賾窮道者已方世清聖上求賢者梁邱已卦筮靈世劉向已洪範昭名想當來翔追縱前烈相見乃盡不復多陳吳志虞翻傳注文類聚五十五

與韋休甫書韋端字休甫

使君足下懷遠垂馭西戎卽然前別意恨甚多不悉辛從事至承

獲所訊喜而起居不恙而到也云便結駟徑至舊治西土之人宗服令德鮮仇崇妖已順風化萬里雍穆如樂之和雖爲國家威靈感應亦賢士穀堪事之效也昔伯安由幽都而登上司子陵已豫州而取宰相近事未遠當勉功業已豐此慶耳閒僻疾動不得復與足下岸幘廣坐舉杯相于已爲邑邑前日元將來淵才亮茂雅度弘毅偉世之器也昨日仲將復來懿性真實文敏篤誠保家之主也不意雙珠近出老蚌甚珍貴之遣書通心

案涼州太守韋康字元將

魏志荀彧傳注載文類聚五十三

與宗從弟書

知晚節豫學既美大弟因而能寤又合先君加我之義豈唯仁弟實專承之凡我宗族猶或賴焉

教文類聚五十五

與諸卿書

鄭康成多臆說人見其名學爲有所出也證案大較要在五經四

部書如非此文近爲妄矣若子所執曰爲郊天鼓必當麒麟之皮

也寫孝經本當曾子家策乎

御覽六

先日多惠胡桃溪知篤意

御覽九百七十一

與許博士書

今足下遠曰彝器金石竝志爲國家來儀之端亦丈夫之大勲

書鈔

與曹公書薦邊讓

邊讓爲九州衣被則不足爲單衣襦褌則有餘

御覽九百九十三

傳

與曹公書論盛孝章

歲月不居時節如流五十之年忽焉已至公爲始滿融又過二海

內知識零落殆盡惟會稽盛孝章尙存其人困于孫氏妻孥湮沒

單子獨立孤危愁苦若使憂能傷人此子不得復永年矣春秋傳

曰諸侯有相滅亡者桓公不能救則桓公恥之今孝章實丈夫之雄也天下譚士依呂揚聲而身不免于幽執命不期于旦夕是吾祖不當復論損益之友而朱穆所已絕交也公誠能馳一介之使加咫尺之書則孝章可致友道可弘也今之少年喜謗前輩或能譏平孝章孝章要爲有天下大名九牧之民所共稱歎燕君市駿馬之骨非欲已騁道里乃當已招絕足也惟公匡復漢室宗社將絕又能正之正之之術實須得賢珠玉無脛而自至者已人好之也況賢者之有足乎昭王築臺已尊郭隗隗雖小才而逢大遇竟能發明主之至心故樂毅自魏往劇辛自趙往鄒衍自齊往嚮使郭隗倒縣而王不解臨溺而王不拯則士亦將高翔遠引莫有北首燕路者矣凡所稱引自公所知而復有云者欲公崇篤斯義也因表不悉

吳志孫韶傳注引
會稽典錄文選

與曹公書

武王伐紂，已妲己，賜周公。

後漢孔融傳：操子丕私納袁熙妻甄氏，融乃與操書，又見魏志崔琰傳注引魏

氏春

與曹公書，囑征烏桓。

大將軍遠征，蕭條海外，昔肅慎氏不貢楛矢，丁零盜蘇武牛羊，可

并案也。

後漢孔融傳

難曹公表制酒禁書

公當初來，邦人咸抃舞踴躍，已望我后，亦既至止，酒禁施行，酒之
爲德久矣。古先哲王，類帝禋宗，和神定人，已濟萬國，非酒莫已也。
故天垂酒星之曜，地列酒泉之郡，人著旨酒之德，堯非千鍾，無已
建太平，孔非百觚，無已堪上聖，樊噲解卮鴻門，非跪卮酒，無已
奮其怒，趙之廝養，東迎其王，非引卮酒，無已激其氣，高祖非醉斬
白蛇，無已賜其靈，景帝非醉幸唐姬，無已開中興，袁盎非醇醪之
力，無已脫其命，定國非酣飲一斛，無已決其法，故酈生已高陽酒。

徒著功于漢、屈原不餉糟、欲醺取困于楚、由是觀之、酒何負于治

者哉

後漢孔融傳注引融集魏志崔琰傳注引張璠漢記魏文類聚七十二

又書

昨承訓荅、陳二代之禍、及眾人之敗、曰酒亡者、實如來誨、雖然、徐偃王行仁義而亡、今令不絕仁義、燕噲曰讓失社稷、今令不禁謙退、魯因儒而損、今令不棄文學、夏商亦曰婦人失天下、今令不斷婚姻、張璠漢記作山梁紉曰而將酒獨急者、疑但惜穀耳、非曰亡王為戒也、後漢孔融傳注引融集魏志崔琰傳注引張璠漢記

報曹公書

猥惠書教、告所不逮、融與鴻豫州里比鄰、知之最早、雖嘗陳其功、美欲已厚于見私、信于為國、不求其覆、過掩惡、有罪望不坐也、前者黜退、懼欣受之、昔趙宣子朝登韓厥、夕被其戮、喜而求賀、況無彼人之功、而敢枉當官之平哉、忠非三閭、智非鼂錯、竊位為過、免

罪爲幸乃使餘論遠聞所已慙懼也朱彭寇賈爲世壯士愛惡相
攻能爲國憂至于輕弱薄劣猶昆蟲之相嚙適足還害其身誠無
所至也晉侯嘉其臣所爭者大而師曠已爲不如心競性既遲緩
與人無傷雖出胯下之負榆次之辱不知貶毀之于己猶蚊虻之
過也子產謂人心不相似或矜勢者欲已取勝爲榮不念宋人待
四海之客大鑪不欲令酒酸也至于屈穀巨瓠堅而無竅當已無
用罪之耳它者奉尊嚴敎不敢失墜郤爲故吏融所推進趙衰之
拔卻穀不輕公叔之升臣也知同其愛訓誨發中文選羊祜讓開府表注訓誨上
有來書怨切四字雖懿伯之忌猶不得念況恃舊交而欲自外于賢吏哉
輒布腹心修好如初苦言至意終身誦之後漢孔融傳郤慮承望風旨已激法奏免融官
因顯明警怨操故書激厲融融報案融傳注引
結漢書慮字鴻豫山陽高平人少受學于鄭玄
皆路粹書

來彭寇賈之徒當世壯士愛惡相攻能爲國患輕薄劣弱者如雨

廼相喃適足還災其身誠無所至此為報曹公據文選注則曹公書乃路粹所作神覽題為答路粹蓋融集如此今宜兩載之范書兩廼作昆蟲誤

周武王漢高祖論

武王從后稷已來至其身相積五十世俱有魚鳥之瑞至高祖一身修德瑞有四呂公望形而薦女呂后見雲知其處白蛇分神母哭西入關五星聚又武王伐紂斬而刺之高祖入秦赦子嬰而遣之是寬裕又不如高祖也藝文類聚十二

聖人優劣論

荀情等已為聖人俱受乾坤之醇靈稟造化之和氣該百行之高善備九德之淑懿極鴻源之深闊窮品物之情類曠蕩出于無外沈微淪于無內器不是周不充聖極荀已為孔子稱大哉堯之為君也唯天為大唯堯則之是則為覆蓋眾聖最優之明文也孔子堯作天子九十餘年政化洽于民心雅頌流于眾聽是已聲德發

聞遂爲稱首則易所謂聖人久于其道而天下化成百年然後勝殘去殺必世而後仁者也故曰大哉堯之爲君也堯之爲聖也明

其聖與諸聖同但曰久見稱爲君爾

其文類聚二十又初學記十七引兩條

金之優者名曰紫磨猶人之有聖也

御覽八百十一

馬之駿者名曰騏驎犬之駿者名曰韓盧犬之有韓盧馬之有騏

驎猶人之有聖也名號等設騏驎與韓盧竝是靈能頭尾相當八

脚如一無有先後之覺矣

御覽八百九十七

汝穎優劣論

融曰汝南士勝穎川士陳長文難曰頗有無善唐突人參也

已上十字

從文選在叻到大司馬記室農注補融荅之曰汝南戴子高親止千乘萬騎與光武

皇帝共揖于道中穎川士雖抗節未有頡頏天子者也汝南許子

伯與其友人共說世俗將壞因夜起舉聲號哭穎川士雖頡頏時

未有能哭世者也汝南許掾敎太守鄧晨圖開稻陂灌數萬頃累

世獲其功、夜有火光之瑞、韓元長雖好地理、未有成功、見效如許、
豫者也、汝南張元伯身死之後、見夢范巨卿、潁川士雖有奇異、未
有鬼神能靈者也、汝南應世叔讀書五行俱下、潁川士雖多聰明、
未有能離婁竝照者也、汝南李洪御覽作洪為太尉掾、弟殺人當死、洪
自効詣閣乞代弟命、便飲醢而死、弟用得全、潁川士雖尚節義、未
有能殺身成仁如洪者也、汝南翟文仲為東郡太守、始舉義兵、已
討王莽、潁川士雖疾惡、未有能破家為國者也、汝南袁公著為甲
科郎中、上書欲治梁冀、潁川士雖慕忠讜、未有能投命直言者也、
藝文類聚二十二
御覽四百四十七

肉刑論

今之洛陽道橋、作徒困于廝役、十死一生、故國家嘗遣三府齎詔、
月一按行、又置南甄官使者、主養病徒、僅能存之、諸所謂洛陽豪
徒、韓伯密加笞三百、不中一髮、頭至耳、髮詣勝、案有此自為刑、非

國法之意

御覽六百四十二

古聖作犀兕革鎧今益領鐵鎧絕聖甚遠

御覽三百五十六

賢者所制或踰聖人水碓之巧勝于斷木掘地

御覽七百六十二

同歲論

弊簞徑尺不足已救鹽池之賊阿膠徑寸不能止黃河之濁

御覽七百七

五十七又七

衛尉張儉碑銘

其先張仲實曰孝友左右周室晉主夏盟而張老延君譽于四方
君稟乾剛之正性蹈高世之殊軌冰潔淵清介然特立雖史魚之
勵操叔向之正色未足比焉中常侍同郡侯覽專權王命豺虎肆
虐威震天下君曰西部督郵上覽禍亂凶國之罪鞠沒賦姦曰巨
萬計俄而置書案驗部黨君為覽所陷亦章名捕逐當世英雄受
命殞身曰籍濟君厄者蓋數十人故克免斯艱旋宅舊宇眾庶懷

其德王公慕其聲州宰爭命辟大將軍幕府公車特就家拜少府
皆不就也復已衛尉徵明詔嚴切敕州郡乃不得已而就之惜乎
不登泰階已尹天下致皇代千隆熙

此十六字從文選注補

銘曰

桓桓我君應天淑靈皓素其質允迪忠貞肆志直道進不爲榮赴
戟驕臣發如震霆凌剛摧堅視危如寧聖主克愛命作喉唇

蘇文頌聚

四十九文選補淵碑注又齊安陸昭王碑注

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷八十三終

全後漢文卷八十三終